

COPA GALEGA PREBENXAMÍN

Temporada 2026/27. Circular 26-10.

1. Organización, datas e sedes

1. Poderán participar na Copa Galega Prebenxamín os 16 mellores clubs clasificados nas xornadas locais da clasificación total.
2. A Copa Galega Prebenxamín celebrarase na data e lugar establecidos no calendario de natación.
3. A competición celebrarase nunha única sesión que comezará ás 17:00 horas.
4. A piscina deberá estar a disposición dos equipos participantes 90 minutos antes do comezo da sesión, e terán dereito a quentar até 10 minutos antes do comezo da sesión.

2. Programa de probas

1. 4x25 m Estilos Mixto
- Descanso de 5 minutos
2. 25 m Libre Masculino
3. 25 m Libre Feminino
4. 75 m Libre Masculino
5. 75 m Libre Feminino
6. 25 m Costas Masculino
7. 25 m Costas Feminino
8. 75 m Costas Masculino
9. 75 m Costas Feminino
10. 25 m Braza Masculino
11. 25 m Braza Feminino
12. 75 m Braza Masculino
13. 75 m Braza Feminino
14. 25 m Bolboreta Masculino
15. 25 m Bolboreta Feminino
- Descanso de 5 minutos
14. 4x25 m Libre Mixto

3. Participación

1. Este regulamento está destinado ás categorías:
 - a) Masculina. Nacidos nos anos 2018 e 2019.
 - b) Feminina. Nacidas nos anos 2018 e 2019.
2. A participación está aberta a todos os nadadores das categorías sinaladas e que pertencen aos clubs con dereito a participar.
3. Cada nadador poderá participar como máximo nunha proba individual e dúas remudas.
4. Cada club poderá inscribir un máximo de 3 nadadores en cada proba, pero só puntuarán os 2 primeiros.

5. Cada club poderá inscribir un máximo de 2 remudas en cada proba, pero só puntuará a mellor clasificada. As remudas terán que estar formadas por 2 nenos e 2 nenas.

6. Para poder ter dereito a participar, os clubs deberon nadar, como mínimo, 3 das 4 xornadas obrigatorias da liga galega prebenxamín. Ditos clubs con dereito, deberán confirmalo no prazo sinalado. Se algún club non participa, o seu posto podería ser cuberto polo seguinte club clasificado que cumpra a participación en tres das catro xornadas da liga prebenxamín.

7. Admitiranse baixas, trocos en probas individuais e nas composicións de remudas até 45 minutos antes do inicio da sesión. O nadador substituído en proba individual ou de remudas non poderá participar en ningunha proba individual nin de remudas na mesma sesión.

8. Nas probas de remudas mixtas os equipos estarán formados por metade nenos e metade nenas.

4. Inscripcións

1. Realizaranse a través do XESDE e remitirase á FEGAN por correo electrónico (inscripciones@fegan.org) o rexistro de inscrición que o propio programa xere en formato PDF. Xunto co devandito expediente enviarase no mesmo correo electrónico o xustificante do pagamento da inscrición.

2. As inscricións deberán estar en mans da FEGAN, como data límite, o martes anterior á data de celebración que figura no calendario de natación desta tempada, sendo responsabilidade do club que realiza a inscrición asegurarse de que foi recibido.

3. Os nadadores para cambios e que participan só en remudas tamén deberán inscribirse a través do Xesde, enviando o certificado de rexistro xerado.

4. Xunto coa inscrición incluíranse no correo electrónico a composicións das remudas. Se non se reciben en prazo non aparecerán os nomes dos deportistas participantes nos resultados finais. O día da competición admitiranse cambios por baixas.

5. Fórmula de competición

1.- Realizaranse todas as probas contra o reloxo.

2.- O criterio de puntuación será o seguinte:

- a) Nas probas individuais só puntuarán os 2 primeiros clasificados de cada club.
- b) Nas probas de remudas só puntuará a primeira clasificada de cada club.
- c) A puntuación nas probas individuais será: 19, 16, 14, 13, 12, 11, 10, 9, 8, 7, 6, 5, 4, 3, 2, 1.
- d) A puntuación nas probas de remudas será: 38, 34, 28, 26, 24, 22, 20, 18, 16, 14, 12, 10, 8, 6, 4, 2.

6. Clasificacións

1.- Realizaranse as seguintes clasificacións:

- a) Clasificación masculina. Suma de puntos acadados nas probas masculinas máis a metade dos puntos das probas de remudas mixtas.
- b) Clasificación feminina. Suma de puntos acadados nas probas femininas máis a metade dos puntos das probas de remudas mixtas.
- c) Clasificación total. Suma de puntos da clasificación masculina e feminina.

7. Títulos e premios

1. Entregarase un trofeo ao club clasificado primeiro na clasificación total como Campión da Copa Galega Prebenxamín.
2. Entregaranse medallas a todos os integrantes dos tres primeiros equipos clasificados.
3. Entregaranse medallas conmemorativas a todos os participantes.

A Coruña, xullo 2026